

**NAŠA
STRANKA**

Politička organizacija građana „Naša stranka“
Općinski odbor Velika Kladuša
Adresa: Huske Miljkovića 2
Telefon: +387 60 311 6674
E-mail: info@kladusajenasa.org

Bosna i Hercegovina
Federacija Bosne i Hercegovine
Unsko-sanski kanton
Općina Velika Kladuša
Općinski načelnik
Služba za prostorno uređenje,
imovinsko-pravne i geodetske poslove

PREDMET: VIJEĆNIČKO PITANJE

Na osnovu člana 7. Poslovnika Općinskog vijeća Općine Velika Kladuša kojim se propisuje pravo vijećnika da postavlja vijećnička pitanja koje se odnose na rad Općinskog načelnika i službi za upravu u izvršavanju zakona, drugih propisa i općih akata Općinskog vijeća, kao i na rad institucija koje imaju javna ovlaštenja, upućujem sljedeće vijećničko pitanje Općinskom načelnik i nadležnoj službi: **Da li je stanarima/gradanima omogućeno iznajmljivanje garaža u vlasništvu Općine koje se nalaze u ulicama Maršala Tita i Ibrahima Mržljaka?**

OBRAZLOŽENJE:

Na četvrtoj redovnoj sjednici, koja je održana 30. aprila 2021. godine, Općinsko vijeće je usvojilo Odluku o prodaji garaža u vlasništvu Općine Velika Kladuša neposrednom pogodbom. Klub vijećnika Naše stranke je tom prilikom uložio amandman kojim smo zatražili da se navedenom odlukom predvidi i mogućnost davanja garaža u zakup zainteresiranim licima na period ne duži od 12 mjeseci. U obrazloženju smo naveli: „Garaže, čija se prodaja putem neposredne pogodbe definiše predloženom Odlukom, su do sada dva puta bile predmetom pokušaja prodaje putem javnog oglasa tokom 2019. godine po istoj početnoj ili minimalnoj cijeni koja je navedena i u ovoj Odluci. Evidentno je da zbog cijene ili nekog drugog razloga tada nije bilo dovoljno zainteresiranih, te je prodan tek manji broj izgrađenih garaža. Kako postoji mogućnost da se ni nakon donošenja ove Odluke veći dio garaža neće prodati, smatramo da bi njihovo davanje u zakup umanjilo finansijsku štetu budžetu koja zbog toga nastaje, a ujedno i poboljšalo situaciju po pitanju nedostatka parking mjesta.“

Naš amandman nije prihvaćen, ali smo od predstavnice nadležne službe, gđe Arijane Omeragić, dobili obećanje da će se kroz usvajanje druge odluke iznaći rješenje da se garaže mogu iznajmljivati. Iz izvještaja o izvršenju budžeta za prvih devet mjeseci 2021. godine, evidentno je da niti jedna garaža u tom periodu nije prodana, odnosno da je prihod po toj stavci 0 KM. Istovremeno, nadležna služba nije dostavila vijeću nikakvu novu odluku kojom bi se predvidjela mogućnost davanja garaža u zakup. Zanima me da li je na neki drugi način ova mogućnost regulisana i, ako nije, zašto to do sada nije urađeno imajući u vidu štetu koju trpi prihodovna strana budžeta, ali i građani zbog garaža koje zjape prazne.

Molimo odgovor usmenim putem.

Ime i prezime: Amir Purić
Klub vijećnika Naše stranke

Velika Kladuša, 10.02.2022.godine